

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ  
ԱՍՏՎԱԾԱԲԱՆՈՒԹՅԱՆ ՖԱԿՈՒԼՏԵՏ

ЕРЕВАНСКИЙ ГОСУДАРСТВЕННЫЙ УНИВЕРСИТЕТ  
ФАКУЛЬТЕТ БОГОСЛОВИЯ

YEREVAN STATE UNIVERSITY  
FACULTY OF THEOLOGY

# ՏԱՐԵԳԻՐՔ

ԳԻՏԱԿԱՆ ՀՈՒՎԱԾՆԵՐԻ ԺՈՂՈՎԱԾՈՒ

## ԺԱ

# ЕЖЕГОДНИК

СБОРНИК НАУЧНЫХ СТАТЕЙ

ТОМ XI

# YEARBOOK

COLLECTION OF SCIENTIFIC ARTICLES

VOLUME XI

ИЗДАТЕЛЬСТВО ЕГУ  
ЕРЕВАН - 2016

ԵՊՀ ՀՐԱՏԱՐԱԿՉՈՒԹՅՈՒՆ  
ԵՐԵՎԱՆ - 2016

YSU PRESS  
YEREVAN - 2016

## **ՔՐԻՍՏՈՍԻ ՀԱՅՏՆՈՒԹՅԱՆ ՏՈՆԸ ԵՎ ՆՐԱ ԾՆՆԴՅԱՆ ԹՎԱԿԱՆԸ<sup>1</sup>**

### *Գայանե Սիմոնյան*

Քրիստոնեական Եկեղեցու աստվածաբանության կարևորագույն խնդիրներից են քրիստոնեական տոների մեկնությունները: Տոների ժամանակի ու տոնացույցում դրանց տեղի խնդիրը կիրառական աստվածաբանության կարևոր գործառույթներից է: Այդ իսկ պատճառով Հովհաննես Սարկավազի «Մեկնութիւն տումարիս Հայկազնեայ» տոմարական ժողովածուի տարբեր բաժիններում կամ գլուխներում («Ազգաց կանոններ», «Ազնուականոնք ՇԼԲ-ամյաց... »<sup>1</sup>՝ զատկացուցակներ, «Մեկնութիւն տումարի» ևն) տեղ են գտել այդ տոների ժամանակային գրանցումներ ու դրանց մեկնություններ, ինչպես և տոների այս կամ այն ժամանակի կատարման ոչ միայն աստվածաբանական, այլև տոմարական հիմնավորումներ:

Հովհաննես Սարկավազի տոմարական ժողովածուի «Ազգաց ազնուականոններ» մասում պահպանվել են հետևյալ տոներն ու դրանց ժամանակային գրանցումները 15 ազգերի՝ ժամանակի գործածական անշարժ տոմարների ամիս-ամսաթվերով<sup>2</sup>՝ 1.«Յունուարի 6 = Քաղոց 29-ին Յայտնութիւն Քրիստոսի ի մեծ հոռի ԺԱ, արն՝ Ե-շք. և Մկրտութեան արն կիրակի»<sup>3</sup>, 2. «Փետրվարի ԺԴ = Մեհեկի Ը՝ Տեառնընդառաջ»<sup>4</sup>, 3. «Ապրիլի Զ = Արեգի ԻԹ՝ Աւետում»<sup>5</sup>, 4. «Ապրիլի 12-ին եղել է Խաչելության օր», 5. «Մայիսի Է = Ահեկան Լ՝ Երևումն խաչին»<sup>6</sup>, 6. «Յունիսի Թ.

<sup>1</sup> Սույն հոդվածը հրատարակվում է 15Տ-6Ծ145 ծածկագրով՝ «Դրվագներ հայ աստվածաբանական մտքի պատմությունից» թեմայի շրջանակում:

<sup>2</sup> Ստորև տոների օրերը կներկայացնենք միայն հայոց Սակավագաղի անշարժ տոմարի և հռոմեացոց տոմարի զուգադրումներով, մյուս ազգերի տոմարների զուգադրումները կգտնենք «Ազգաց ազնուականոններում»:

<sup>3</sup> **Ա. Աբրահամյան**, Հովհաննես Իմաստասերի մատենագրությունը, Եր., 1956, էջ 160-161:

<sup>4</sup> **Ա. Աբրահամյան**, նշվ. աշխ., էջ 163:

<sup>5</sup> **Ա. Աբրահամյան**, նշվ. աշխ., էջ 167:

<sup>6</sup> **Ա. Աբրահամյան**, նշվ. աշխ., էջ 168-169:

**ԲՈՎԱՆԴԱԿՈՒԹՅՈՒՆ**

**ԱՍՏՎԱԾԱԲԱՆՈՒԹՅՈՒՆ**

**Գայանե Սիմոնյան** - ՔՐԻՍՏՈՍԻ ՀԱՅՏՆՈՒԹՅԱՆ ՏՈՆԸ ԵՎ ՆՐԱ ԾՆՆԴՅԱՆ ԹՎԱԿԱՆԸ..... 7

**Նարինե Միրզոյան** - ՄԻՒԹԱՐ ԳՈՇԻ «ԳԻՐՔ ԴԱՏԱՍՏԱՆԻ» ԵՐԿԻ ԳՈՐԾԱՐԿՈՒՄԸ ՀԱՅԿԱԿԱՆ ՀԱՄԱՅՆՔՆԵՐՈՒՄ.....16

**Տ. Հեթում քահանա Թարվերդյան** - ՀԱՅ ԵԿԵՂԵՑՈՒ ԴԻՐՔՈՐՈՇՈՒՄԸ ՔՐԻՍՏՈՍԱԲԱՆԱԿԱՆ ՎԵՃԵՐՈՒՄ Ե-Ը ԴԴ.....32

**Էյա Սարիբեկյան** - ԳՐԻԳՈՐ ՏԱԹԵՎԱՑՈՒ «ԼՈՒԾՄՈՒՆՔ ՅՈՒՐԱՅ» ԵՐԿՈՒՄ ԱՌԿԱ ԱՍՏՎԱԾԱԲԱՆԱԿԱՆ ԽՆԴԻՐՆԵՐԸ..... 59

**Արսեն Հարությունյան, Հայկ Հակոբյան** - «ԵԿԵՂԵՑԻ» ԵՎ «ԽՈՐԱՆ» ԲԱՌԵՋՐԵՐԻ ՆՈՒՅՆԱԿԱՆՈՒԹՅԱՆ ԴՐՍԵՎՈՐՈՒՄԸ ՎԻՄԱԳՐԵՐՈՒՄ ..... 87

**ՀԱՅ ԵԿԵՂԵՑՈՒ ՊԱՏՄՈՒԹՅՈՒՆ**

**Աշոտ Մանուչարյան** - ՍԱՂՄՈՍԱԿԱՆՔԸ ՊԱՏՄՈՒԹՅԱՆ ՔԱՌՈՒՂԻՆԵՐՈՒՄ ..... 99

**Լիլիթ Սիմոնյան, Կարեն Հովհաննիսյան** - ԹՈՒԽ ՄԱՆՈՒԿ ՍՐԲԱՎԱՅՐԵՐԻ ՏՈՆԱԾԻՍԱԿԱՆ ՍՈՎՈՐՈՒՅԹՆԵՐԻ ՇՈՒՐՋ.....113

**Նելլի Ժամկոչյան** - ԷՋՄԻԱԾՆԻ V ԴԱՐԻ ՄԻԱՆԱՎ ԵԿԵՂԵՑՈՒ ՇՈՒՐՋ ..... 134

**Արշակ Բայան** - ԲԱՂԴԱՍԱՐ ՄԵՏՐՈՊՈԼԻՏԸ ԵՎ ՇՈՒՇԻԻ ԹԵՄԱԿԱՆ ԴՊՐՈՑԸ... 146

**Սարգիս Մելքոնյան** - «ԿԱՆՈՆԱԳԻՐՔ ՀԱՅՈՑ»-ՈՒՄ ՀԻՇԱՏԱԿՎՈՂ ԹԵՌԴՈՍՈՒՊՈԼԻՍ/ԿԱՐԻՆԻ ԺՈՂՈՎԻ ՀԱՐՑԸ..... 158

**Հասմիկ Աբրահամյան** - ՎԱՐԴԱՎԱՌՅԱՆ ՈՒԽՏԱՎԱՅՐԵՐԻ ՏԻՊԱԲԱՆՈՒԹՅԱՆ ՓՈՐՋ..... 177

**ԿՐՈՆՆԵՐԻ ՊԱՏՄՈՒԹՅՈՒՆ**

**Սամվել Մկրտչյան** - ՆՈՐ ՏԱՐԻ - ԱՄԱՆՈՐ (ԲՈԼՇԵՎԻԿՅԱՆ ՇՐՋԱՆ)..... 209

**Սամվել Մկրտչյան** - ՔՐԻՍՏՈՍԻ ԾՆՈՒՆԴ (ԲՈԼՇԵՎԻԿՅԱՆ ՇՐՋԱՆ)..... 216

**Գոհար Սարգսյան** - ՓԻԼՈՆ ԱԼԵՔՍԱՆԴՐԱՑՈՒ ԿՐՈՆԱՓԻԼԻՍՈՓԱՅԱԿԱՆ ԱՇԽԱՐ -ՀԱՅԱՑՔԻ ՄԻ ՔԱՆԻ ԱՌԱՆՁՆԱՀԱՏԿՈՒԹՅՈՒՆՆԵՐ..... 225

**Հովհաննես Հովհաննիսյան** - ՆԵՍՏՈՐԻ ՊՐՈՍՈՊՈՆԱՅԻՆ ՄԻՈՒԹՅԱՆ ԲԱՆԱՁԵՎՆ ԻՐԵՎ ՆՐԱ ՔՐԻՍՏՈՍԱԲԱՆՈՒԹՅԱՆ ԱՆԿՅՈՒՆԱՔԱՐ .....235

**Պարզև Բարսեղյան** - ԿՐՈՆԱԿԱՆ ԿԱԶՄԱԿԵՐՊՈՒԹՅՈՒՆՆԵՐԻ ԴԱՍԱԿԱՐԳՈՒՄԸ..... 245

**Լիզա Քարիմյան** - ԱՐԵՎՄՏՅԱՆ ՍԽՈԼԱՍՏԻԿԱԿԱՆ ՄՏՔԻ ՀԱՄԱԿԱՐԳՈՒՄԸ: ԱՆՍԵԼՄ ՔԵՆՏԵՐԲԵՐԱՑՈՒ ՌԱՅԻՈՆԱԼԻՍՏԱԿԱՆ ԱՍՏՎԱԾԱԲԱՆՈՒԹՅՈՒՆԸ .....255

**ՊԱՏՄՈՒԹՅՈՒՆ**

**Անուշավան եպս. Ժամկոչյան, Լիլիթ Սիմոնյան** - ԱՍՏՎԱԾԱՇՆՉՅԱՆ ՆԵՐՐՈՎԹԹԸ ԵՎ ՆԵՄՐՈՒԹ ԹԱԳԱՎՈՐԸ ՀԱՅ ԲԱՆԱՀՅՈՒՍՈՒԹՅԱՆ ՄԵՋ.....273

**Անուշավան Պետրոսյան** - Քրդերի, եզդիների ու Պարսիկների Ազգագրական Համադրոս Նկարագիրը Րաֆֆուի «ԿԱՅԾԵՐ ՎԵՊՈՒՄ»..... 303

**Վոլոդյա Գասպարյան** - Խորհրդա-ձաղոնական Պարսերաջմիև ՀԱՅԵՐԻ ՄԱՍՆԱԿՑՈՒԹՅԱՆ ՀԻՄՆԱՀԱՐՑԻ ԼՈՒՍԱԲԱՆՈՒՄԸ ՀԱՅ ՊԱՏՄԱԳՐՈՒԹՅԱՆ ՄԵՋ..... 317

**Հասմիկ Հարությունյան** - ԿԻՆԸ ՀՈՎՀ. ԹՈՒՄԱՆՅԱՆԻ ԳՐԱԿԱՆ ԺԱՌԱՆԳՈՒԹՅԱՆ ՄԵՋ ..... 333

**Վալերի Թունյան** - ՀԱՅՈՑ ԵԿԵՂԵՑԻՆ ԵՎ ՌՈՒՍԱՍՏԱՆԻ ԻՆՔՆԱԿԱԼՈՒԹՅՈՒՆԸ XVIII -XIX Դ. ՍԿԶԲՈՒՄ: ՀԱՅԵՑԱԿԱՐԳԵՐ ԵՎ ԻՐԱԿԱՆՈՒԹՅՈՒՆ ..... 344

**Գայանե Հակոբյան** - ՀՀ ՆԵՐԳԱՂԹԱԾ ՍԻՐԻԱՀԱՅԵՐԻ ԿՐՈՆԱԿԱՆ ԵՎ ՏՈՆԱԾԻՍԱԿԱՆ ՎԱՐՔԱԳԻԾԸ..... 360

Տեղեկություններ հեղինակների մասին..... 374

Ի գիտություն հեղինակների..... 383

**СОДЕРЖАНИЕ**

**БОГОСЛОВИЕ**

**Գայանե Սիմոնյան** - ПРАЗДНИК РОЖДЕСТВА ХРИСТА И ДАТА РОЖДЕНИЯ..... 7

**Նարինե Միրզոյան** - ПРИМЕНЕНИЕ «ГИРК ДАТАСТАНИ» («СУДЕБНИКА») МХИТАРА ГОША В АРМЯНСКИХ ОБЩИНАХ ..... 16

**Իերեյ Հետում Թարվերդյան** - ПОЛОЖЕНИЕ АРМЯНСКОЙ АПОСТОЛЬСКОЙ ЦЕРКВИ В ХРИСТОЛОГИЧЕСКИХ СПОРАХ V-VIII ВВ. .... 32

**Ջյա Տարիբեկյան** - БОГОСЛОВСКИЕ ВОПРОСЫ В "КОММЕНТАРИИ НА КНИГУ ИОВА" ГРИГОРА ТАТЕВАЦИ..... 59

**Ա. Արությունյան, Ա. Ասոպյան** - ОДИНАКОВОЕ ЗНАЧЕНИЕ ПОНЯТИЙ “ЦЕРКОВЬ” И “РИЗНИЦА” В ЭПИГРАФИЧЕСКИХ НАДПИСЯХ ..... 87

**ИСТОРИЯ АРМЯНСКОЙ ЦЕРКВИ**

**Աշոտ Մանուչարյան** - САГМОСАВАНК НА ПЕРЕКРЕСТКАХ ИСТОРИИ ..... 99

**Լիլիտ Սիմոնյան, Կարեն Օգանյան** - К ВОПРОСУ О ПРАЗДНИЧНО-ОБРЯДОВЫХ ОБЫЧАЯХ СВЯТИЛИЩ ТУХ МАНУК..... 113

**Նելլի Զամկոչյան** - ОБ ОДНОНЕФНОМ ЦЕРКВЕ В ЭЧМИАДЗИНЕ (V ВЕК)..... 134

**Արշակ Բալյան** - МИТРОПОЛИТ БАГДАСАР И ЕПАРХИАЛЬНАЯ ШКОЛА В ШУШИ ..... 146

**Տարգիս Մելկոնյան** - ВОПРОС СОБОРА В ФЕОДОСИОПОЛЬ/КАРИНЕ УПАМИНАЮЩИЙСЯ В «АРМЯНСКОЙ КНИГЕ КАНОНОВ» ..... 158

**Ասմիկ Աբրահամյան** - КЛАССИФИКАЦИЯ МЕСТ ПАЛОМНИЧЕСТВА ВАРДАВАРА ..... 177

**ИСТОРИЯ РЕЛИГИЙ**

**Սամվել Մկրտչյան** - НОВЫЙ ГОД - АМАНОР (ПЕРИОД БОЛЬШЕВИЗМА)..... 209

**Սամվել Մկրտչյան** - РОЖДЕСТВО ХРИСТОВО (ПЕРИОД БОЛЬШЕВИЗМА) ..... 216

= Մարգաց Գ՝ տաւն Չարքարիա մարգարէին»<sup>1</sup>, 7. «Հունիսի ԺԴ = Մարգաց Ը՝ տաւն Եղիա մարգարէին»<sup>2</sup>, 8. «Յուլիսի Զ = Մարգաց Լ՝ տաւն Յեսեայ մարգարէին»<sup>3</sup>, 9. «Յուլիսի Ժ = Հրոտից Դ՝ Ծնունդ Յովհաննու Մկրտչի»<sup>4</sup>, 10. «Աւգոստոսի ԺԴ = Նաւասարդի Դ՝ Փոխումն սուրբ աստուածածնի»<sup>5</sup>, 11. «Սեպտեմբերի ԺԴ = Հոռի Ե՝ Խաչի վերացում»<sup>6</sup>, 12. «Սեպտեմբերի ԻԶ = Հոռի ԺԶ՝ Օր սգոյ վասն յանցանաց որթոյ»<sup>7</sup>, 13. «Սեպտեմբերի ԻԱ = Հոռի ԺԲ՝ Սուրբ Գէորգայ բարեկենդան»<sup>8</sup>, 14. «Սեպտեմբերի ԻԷ = Հոռի ԺԸ՝ Օր քաւութեան և պապանձումն Չարքարիայի»<sup>9</sup>, 15. «Հոկտեմբերի Բ = Հոռի ԻԳ՝ Տաղաւարահարաց սկիզբն»<sup>10</sup>, 16. «Հոկտեմբերի Թ = Հոռի Լ՝ Կատարումն Տաղաւարահարաց»<sup>11</sup>, 17. «Հոկտեմբերի 10 = Սահմի 1՝ Յղութիւն Եղիսաբէթի»<sup>12</sup>, 18. «Հոկտեմբերի 27 = Սահմի 18՝ Խաչի գիտ»<sup>13</sup>, 19. «Նոյեմբերի 22 = Տրէ 14՝ Ըմբռնաղ»<sup>14</sup>, 20. «Դեկտեմբերի 9 = Քաղոց 1 Սբ. Յակոբայ Բարեկենդան»<sup>15</sup>, 21. «Դեկտեմբերի 28 = Քաղոց 20՝ Յայտնութեան Բարեկենդան»<sup>16</sup>:

Հայոց եկեղեցական տոնական տարվա կտրվածքով առաջինը Քրիստոսի Ծննդյան ու Հայտնության տոնն է:

1. «Յունուարի 6 = Քաղոց 29-ին - Յայտնութիւն Քրիստոսի ի մեծ հոռի ԺԱ, արն՝ Ե-շբ. և Մկրտութեան արն կիրակի»<sup>17</sup>:

<sup>1</sup> Նոյն տեղում:

<sup>2</sup> Նոյն տեղում, էջ 171:

<sup>3</sup> Ա. Աբրահամյան, նշվ. աշխ., էջ 172-173:

<sup>4</sup> Նոյն տեղում:

<sup>5</sup> Ա. Աբրահամյան, նշվ. աշխ., էջ 174-175:

<sup>6</sup> Ա. Աբրահամյան, նշվ. աշխ., էջ 176-177:

<sup>7</sup> Նոյն տեղում:

<sup>8</sup> Նոյն տեղում:

<sup>9</sup> Նոյն տեղում:

<sup>10</sup> Ա. Աբրահամյան, նշվ. աշխ., էջ 178-179:

<sup>11</sup> Նոյն տեղում:

<sup>12</sup> Նոյն տեղում:

<sup>13</sup> Նոյն տեղում:

<sup>14</sup> Ա. Աբրահամյան, նշվ. աշխ., էջ 180-181:

<sup>15</sup> Ա. Աբրահամյան, նշվ. աշխ., էջ 182-183:

<sup>16</sup> Նոյն տեղում:

<sup>17</sup> Ա. Աբրահամյան, Հովհաննես Իմաստասերի մատենագրությունը, Եր., 1956, էջ 160-161:

Ինչպես գիտենք, Հայոց Եկեղեցին Քրիստոսի Ծննդյան կամ Հայտնության ու Մկրտության տոները նշում է միաժամանակ: Այստեղ շարադրանքը չենք ծանրաբեռնի այդ երկու տոները միասնաբար նույն օրը՝ հունվարի 6-ին կատարելու խնդրի պարզաբանությամբ, որի և՛ աստվածաբանական, և՛ տոմարական մեկնությունը լավագույնս կատարել ու հիմնավորել է Անանիա Շիրակացին իր «Ի Յայտնութեան Տեառն» ճառում: Միայն նշենք, որ Հիսուս Քրիստոսի Ծննդյան տոնը մեր եկեղեցական տոների «գլխավորն ու առաջնեկն» է: Այն Տիրոջ Մկրտության տոնի հետ միասնաբար հունվարի 6-ին = տիբեթ ամսի 21-ին կատարելու կարգն իրենց կանոններում (6-րդ գլուխ) սահմանել են առաքյալները: Երկու տոները միասնաբար կատարելու մասին հիշում է նաև Մակար Հայրապետը, ով Նիկիայի ժողովի (325 թ.) մասնակից 316 հայրերից մեկն էր, Հայաստան ուղարկած խրատական գրության մեջ<sup>1</sup>:

Համաքրիստոնեական տոնացույցի երուսաղեմյան տարբերակում ևս, որը 422 թ. թարգմանվեց ու խմբագրվեց Սահակ կաթողիկոսի կողմից ու դարձավ հայոց առաջին «Կանոնք կամ կանոնադրություն ընթերցուածոց» վերնագրով տոնացույցը, Քրիստոսի Հայտնությունն ու Մկրտությունը միասնաբար հունվարի 6-ին տոնելու կարգը պահպանել է Կյուրեղ Երուսաղեմացին: Նա միաժամանակ դեկտեմբերի 25-ին կանոնել է Հակոբ Տեառնեղբոր ու Դավիթ մարգարեի տոները: Այս կանոնները պահպանվեցին մինչև Հռենաղ<sup>2</sup>, որից սկսած՝ արդեն Քրիստոսի Ծննդյան ու Մկրտության միասնաբար կատարվող տոները բաժանվեցին: Քրիստոսի Ծնունդն սկսեց նշվել դեկտեմբերի 25-ին, իսկ Մկրտությունը՝ հունվարի 6-ին: Սակայն Հայոց Եկեղեցին դարեր շարունակ պայքարել է այս «նորաբեր» կարգի դեմ ու դավանել է առաջին ավանդությունը:

Քրիստոսի Հայտնությունն ու Մկրտությունը միասնաբար հունվարի 6-ին տոնելու կանոններն անփոփոխ անցել են հայոց հետագա ժամանակների տոնացույցեր, ինչի մասին վկայում են ոչ միայն «Կանոնք ընթերցուածոցի» հետագա խմբագրությունները, այլև տոնապատճառ ժողովածուները, բազմաթիվ աստվածաբանական ճառեր, մեկնություններ ու այլևայլ սկզբնաղբյուրներ<sup>3</sup>:

<sup>1</sup> Հայտնության ճառ, **Անանիա Շիրակացի**, Մատենագրություն, Եր., 1979, էջ 148-150:

<sup>2</sup> Նույն տեղում:

<sup>3</sup> Տե՛ս **Ռ. Վարդանյան**, Հայոց տոնացույցը, **Լ. Սարգսյան**, Հայոց տոնացույցի ծագումն ու զարգացումը:

Հովհաննես Սարկավազի «Ազգաց ազնուականոններում» ևս առաջին տոնը եկեղեցական տոնական տարվա կտրվածքով, որը համարյա թե համընկնում է հուլյան տոմարի տարեսկզբի հետ Քրիստոսի Հայտնության տոնն է, որի ամիս-ամսաթիվն ուղղակիորեն տրված է 15 ազգերի ժամանակի գործածական անշարժ տոմարներով (Յունվարի 2 (հռոմոմոց) = դիստրոս 2 (յունաց) = քանուն խրա 2 (ասորոց) = Քաղոց ԻԹ (հայոց անշարժ) = շբաթ ԻԱ (եբրայեցոց) = կաղանդիոս ԻԱ (արաբացոց) = թեսաոն ԻԱ (մակեդոնացոց) = մեքիր ԺԱ (եգիպտացոց) = եմքաթիթ ԺԱ (եթեոպացոց) = բոեդրեմիոն ԺԱ (աթենացոց) = պորեպիոս ԺԱ (բիբանացոց) = քսանթրիտրե ԺԱ (կապադոկացոց) = նունկնի ԺԱ (վրաց) = մարե ԺԱ (աղուանից) = ևն ), ինչպես նաև Հայոց շարժական տոմարի, այն է՝ Հայոց մեծ թվականի ամիս-ամսաթվով (հունվարի 6 = Հոռի 11-ին)<sup>1</sup>: Տրված են նաև տոնի շաբաթագրերը՝ Հայտնության համար հինգշաբթի, իսկ Մկրտության համար կիրակի:

Պարզ տրամաբանությամբ միևնույն օրը կատարվող այդ երկու տոները միևնույն տարվա կտրվածքում տարբեր շաբաթագրեր պետք է չունենային: Առաջին հայացքից անհասկանալի է թվում, թե ինչու է Հովհաննես Սարկավազը կատարել նման հիշատակում. Յայտնությունը Հոռի ԺԱ (11)-ին (հինգշաբթի) և Մկրտության օրը՝ կիրակի: Այդ իսկ պատճառով պարզենք, թե հայոց շարժական տոմարի կամ Հայոց մեծ թվականի որ քառամյակում է Հոռի ամսի 11-ը համապատասխանել հունվարի 6-ին: Ըստ Հ. Բաղայանի կազմած Հայոց մեծ թվականի և հուլյան տոմարի համեմատական աղյուսակի՝ այսպիսի զուգադրություն եղել է ներկա 1457/1460 թթ.<sup>2</sup> քառամյակում: Ասենք, որ միայն ներկա 1457/1460 թվականների քառամյակի բացահայտումը հնարավորություն է տալիս ասելու, որ Հովհաննես Սարկավազը Հիսուս Քրիստոսի ծննդյան տարեթիվը բացահայտելու համար օգտագործել է Հայոց շարժական տոմարի, այն է՝ Հայկյան 1460-ամյա պարբերաշրջանի օրինաչափությունը, այսինքն Հոռի 11-ը համապատասխանել է հունվարի 6-ին ոչ միայն ներկա

<sup>1</sup> **Ա. Աբրահամյան**, Հովհաննես Իմաստասերի մատենագրությունը, Եր., 1956, էջ 160-161:

<sup>2</sup> 1457/1460 թթ. քառամյակում Հոռի 1-ը համապատասխանել է դեկտեմբերի 27-ին, հետևապես Հոռի 11-ն էլ կհամապատասխանի հունվարի 6-ին: **Հ. Բաղայան**, Օրացույցի պատմություն, Եր., 1970, էջ 388-389:

1457/1460 թթ., այլև մ. թ. ա. 4 - մ. թ. ա. 1 թթ. քառամյակներում (1457/1460 - 1460) ևն: Նշանակում է, որ Հովհաննես Սարկավագը այստեղ ուղղակիորեն տվել է Քրիստոսի ծննդյան իր հաշվարկած տարվա ամիս-ամսաթիվը՝ Հայոց մեծ թվականով կամ հայոց շարժական տոմարով: Իսկ թե այդ քառամյակների (մ.թ.ա 4 - մ.թ.ա. 1) որ տարում է Հռոմի 11-ը եղել «Ե-շաբթի» (հինգշաբթի - ընդգծումը՝ Գ. Ս.), պետք է դարձյալ հաշվել՝ նկատի առնելով նաև այն հանգամանքը, որ այլ բնագրերում Քրիստոսի ծննդյան օրվա շաբաթագիրը նշված է «ուրբաթ»: Այսպես, Մխիթար Գոշը վրացիներին ուղղված իր թղթում գրում է. «Իսկ տալնս ծննդեան Քրիստոսի տալնեմք որպես գրեալ է յԱւետարանին Ղուկայ եւ ի Կանոնս առաքելոց յունվարի 2 (6)՝ տալն Ծննդեան եւ Յայտնութեան: Եւ Յակոբայ եւ Կիրեղ այնպէս կարգեալ են, եւ Ռստակէս ի ժողովոյն Նիկիահի հայրապետէն Երուսաղէմի այնպէս ընկալաւ զեղեալ ընթերցուածն յառաքելոցն եւ երբ ի Հայս: Նոյնպէս եւ այլ հայրապետք ազգաց: Ըստ այսմ արինակի եւ ւետիքն պատահի ի 2 (6) ապրիլի եւ ծնունդն՝ յունվարի 2 (6): Եւ զկնի Լ (30) ամի մկրտութիւնն դարձեալ ի յունվարի 2 (6) պատահեաց վասն այն մասին կարգեաց զերկուս տալնս տալնել սուրբ առաքեալն Յակոբոս, զի նոյն էր քանիք ամսոյն, թէպէտ եւ ոչ նոյն պատկեր ատուրն, զի ծնունդն **յուրբաթու** էր եւ մկրտութիւնն ի **կիրակէի**»<sup>1</sup>:

Քառամյակի որերորդ տարվա հարցի լուծմանը նպաստում է այն հանգամանքը, որ երկու բնագրերում էլ մկրտության տարում՝ տեսակաւորեն 30 թվականին, հունվարի 6-ը եղել է կիրակի: Գտնենք 30 թվականի յոթներյակը: Եթե 30 թվականի հունվարի 6-ը՝ կիրակի է, ապա հետհաշվարկով՝ հունվարի 5-ը՝ շաբաթ, հունվարի 4-ը՝ ուրբաթ, 3-ը՝ հինգշաբթի, հունվարի 2-ը՝ չորեքշաբթի, հունվարի 1-ը՝ երեքշաբթի, 29 թվականի դեկտեմբերի 31-ը եղել է երկուշաբթի, հետևապես 30 թ. յոթներյակը եղել է Բ (2): Ինչպես գիտենք, շաբաթական շարքի կրկնման պարբերաշրջանը (բեսեքիստոն) 28 տարի է, հետևապես մ. թ. 2 թվականին յոթներյակը ևս եղել է Բ (2), 1 թ.-ին՝ Ա (1), (կիրակի), իսկ մ. թ. ա. 1 թ. ունեցել է 2 (6 - ուրբաթ) և է (7 - շաբաթ) արժեքները<sup>2</sup>, մ. թ. ա. 2 թվականի

<sup>1</sup> Մխիթար վարդապետ Գոշ, Թուրթ առ Վրացիսն, յաղագս ուղղափառութեան հաւատոյ, Գանձասար, 1996, հ. 2, էջ 362-364:

<sup>2</sup> Ներկա 1 թվականից հաշված՝ յուրաքանչյուր 4-րդ տարին դիտվում է որպես նահանջի տարի: Նշանակում է, որ ներկա մեկ թվականի նախորդ տարին, այն է՝ մ.թ.ա. 1 թ.-ը



յոթնյակը եղել է Ե (5) (հինգշաբթի), մ. թ. ա. 3 թվականին՝ Դ (4) (չորեքշաբթի), իսկ մ. թ. ա. 4 թ. Գ (3) (երեքշաբթի): Այսպես, ստանալով մեզ հետաքրքրող տարիների քառամյակի՝ մ. թ. ա. 4 – մ. թ. ա. 1 թվականների յոթներյակները՝ որոշենք այդ տարիների հունվարի 6-ի շաբաթագրերը՝ օրագրուտի կանոնով, այն է՝ «Աւրագիւտ այսպէ՛ս արա. կա՛լ զաւուրս ամսոյն, զկրկնակն նորին. և զլթներեակ տարոյն և Ե՛րթ Լ (30), Լ (30), որ ի խոնարհ մնա՛ այն է. թէ Ա (1) մնայ՝ կիրակէ է, թէ՛ Բ (2)՝ երկու շաբաթ»<sup>1</sup>:

Մ. թ. ա. 4 թվ. յոթներյակը՝ 3 + հունվարի կրկնակը՝ 0 + ամսաթիվը՝ 6 = 9 : 7 = 2 մն. (երկուշաբթի):

Մ. թ. ա. 3 թվ. յոթներյակը՝ 4 + հունվարի կրկնակը՝ 0 + ամսաթիվը՝ 6 = 10 : 7 = 3 մն. (երեքշաբթի):

Մ. թ. ա. 2 թվ. յոթներյակը՝ 5 + հունվարի կրկնակը՝ 0 + ամսաթիվը՝ 6 = 11 : 7 = 4 մն. (չորեքշաբթի):

Մ. թ. ա. 1 թվ. յոթներյակը՝ 6 (և 7) + հունվարի կրկնակը՝ 0 + ամսաթիվը՝ 6 = 12 : 7 = 5 մն. (հինգշաբթի) և 7 + 6 = 13 : 7 = 6 (ուրբաթ):

Մ. թ. 1 թվ. յոթներյակը՝ 1 + հունվարի կրկնակը՝ 0 + ամսաթիվը՝ 6 = 7 (շաբաթ)<sup>2</sup>:

Այսպիսով, Քրիստոսի ծննդյան օրվա շաբաթագիրը՝ հինգշաբթի, ինչպես նաև «ուրբաթ», եղել է մ. թ. ա. 1 թվականին: Հետևապես, Հովհաննես Սարկավազի «Ազգաց ազնուականոններում», ինչպես և Մխիթար Գոշի՝ վրացիներին ուղղված թղթում գրված շաբաթագրերից Քրիստոսի ծննդյան թվականի համար ճիշտն ու առավել ստույգը Հովհաննես Սարկավազի գրած շաբաթագիրն է, քանի որ նահանջ տարում 6 արժեքով յոթներյակը կիրառելի է մինչև փետրվարի 28, իսկ 7-ովը՝ յոթներյա-

ևս եղել է նահանջի տարի, այդ իսկ պատճառով ունի երկու յոթներյակ՝ 6 և 7: Տե՛ս նաև **Յ. Бикерман**, Хронология древнего мира, М. 1975, с. 8:

<sup>1</sup> Հովհաննեսի «Պատճեն տոմարի» աշխատությունը, **Ա. Աբրահամյան**, Հովհաննես Իմաստասերի մատենագրությունը, էջ 203:

<sup>2</sup> Հ. Բաղայանը կարծում է, որ «մեր թվականության առաջին տարվա յոթներեակը եղել է շաբաթ», սակայն արժեքը ոչ թե 7 է համարում, այլ 6 (6-րդ օրը): **Հ. Բաղայան**, նըշված աշխ., էջ 126: Սակայն հիշենք, որ Հովհաննես Սարկավազի մեկնության մեջ ինչպես յոթներյակի, այնպես էլ օրագրուտի ժամանակ, Ա-ն՝ 1-ը, նշանակում է կիրակի, Զ-ն՝ 6-րդ օրը, ուրբաթ է, իսկ շաբաթը 7-րդ օրն է, յոթներյակը՝ է:

կը՝ միայն փետրվարի 29-ից սկսած: Իսկ քանի որ հունվարի 6-ը նահանջից առաջ է, ապա կիրառելի է յոթներյակի 6 արժեքը:

Քրիստոսի Ծննդյան կամ Հայտնության տոնի օրվան՝ հունվարի 6-ին, օրը հինգշաբթի, համարժեք դնելով Հայոց մեծ թվականի հաշվով Հոռի 11-ը, հեղինակը նկատի է ունեցել իր հաշվումներով Քրիստոսի փաստացի ծննդյան տարին, որը մեր թվականության համակարգի հետ ունի մեկ տարվա տարբերություն, այն համապատասխանում է մ. թ. ա. 1 թվականին: Սակայն, Քրիստոսի ծնունդը դնելով մ. թ. ա. 1 թվականին, իրական հավասարություն է ստեղծում ներկա ու Քրիստոսի ծնունդից հաշվվող նոր էրայի տարիների միջև, այսինքն՝ Հայոց մեծ թվականի համակարգով ներկա 1 թվականը հավասարվում է ոչ թե Քրիստոսի ծննդյան, այլ Քրիստոսից հետո մեկ թվականի հետ: Ներկա մեկ թվականին հունվարի 6-ը եղել է շաբաթ, իսկ հունվարի 1-ը՝ երկուշաբթի:

Քանի որ, ըստ աստվածաշնչային տեղեկությունների, Քրիստոսի ծնունդն առնչվում է Ջաքարիայի պապանձման, Եղիսաբեթի հղացման ու Հովհաննես Մկրտչի ծննդյան հետ, անդրադառնանք նաև նրանց տոնական օրերին:

Ինչ վերաբերում է Հովհաննես Մկրտչի ծննդյան տոնին, ապա, ըստ աստվածաշնչային տեղեկության մեկնությունների՝ Եղիսաբեթի հղության 6-րդ ամսին տեղի ունեցավ Մարիամի ավետումը՝ ապրիլի 6 (7)-ին: Այստեղից կարելի է հետևեցնել, որ ապրիլի 6-ից 3 ամիս անց, այն է՝ հունիսի 6-ից հետո պետք է լիներ Հովհաննես Մկրտչի ծնունդը: Ինչպես նշված է Սարկավագի «Ազգաց ազնուականոններում», Եղիսաբեթի հղացումը կատարվել է հոկտեմբերի 10-ին, անմիջապես Տաղավարահարաց տոնի հաջորդ օրը, որի մասին հիշատակում է Սարկավագը՝ «Հոկտեմբերի Թ = Հոռի Լ՝ Կատարումն Տաղաւարահարաց»<sup>1</sup> և «Հոկտեմբերի Ժ = Սահմի Ա՝ Յղութին Եղիսաբէթի»<sup>2</sup>, իսկ Հովհաննես Մկրտչի ծնունդը հուլիսի 10-ին է դրված:

Հովհաննես Մկրտչի ծննդյան օրը հուլիսի 10-ին դնելը պարզ տոմարական հաշվումների արդյունք է: Համապատասխանում է Անանիա Շիրակացու «Յայտնութեան» ճառում Քրիստոսի ծննդյան տոնի ամսաթվի (հունվարի 6) հաշվումներին: Ինչպես հայտնում է Անանիա Շիրակացին,

<sup>1</sup> Ա. Աբրահամյան, նշվ. աշխ., էջ 178-179:

<sup>2</sup> Նույն տեղում:

անդրանկաձևությունը տևում է 276 օր: Տաղավարահարաց տոնից՝ հոկտեմբերի 9-ից հետո, հոկտեմբերի 10-ին է հղացվել Հովհաննես Մկրտիչը, և այդ օրվանից 276 օր հաշված, լինում է հուլիսի 10-ը: Կամ էլ Մարիամ Աստվածածինն Քրիստոսին հղանալու մասին Գաբրիելն ավետել է ապրիլի 6-ին, երբ Եղիսաբեթի՝ Հովհաննես Մկրտչով հղության 6-րդ ամիսը կամ 180-րդ օրն էր<sup>1</sup>: Հետևապես 276-ից հանելով 180 կստանանք 96: Ապրիլի 6-ից հաշված 96 օր՝ ստանում ենք հուլիսի 10-ը (25 + 31 + 30 + 10):

Ինչ վերաբերում է Տաղավարահարաց տոնին, այն կատարվում է 7-օրեքով, սկսում է Թշրին 15-ին = հոկտեմբերի 2-ին և ավարտվում Թշրին 21-ին = հոկտեմբերի 9-ին: Տոնի անվանումն առնչվում է տոնակատարության ժամանակ, ըստ Հրեական օրենքի, կանաչ ոստերով ծածկված տաղավարներ կառուցելու և տոնի օրերին դրանց մեջ բնակվելու սովորություն (Ղևտ., ԻԴ : 40-42, Նէեմ., Ը : 14):

Այսպիսով, միայն Հովհաննես Սարկավագի «Ազգաց ազնվականոններում» եկեղեցական տոնական օրերին կատարված նշումները տոմարագիտորեն հաստատում են Հայոց եկեղեցու տոնական օրերի համոզությունը և խիստ ներդաշնակ են ներկա թվականության համակարգի հետ:

## **ՔՐԻՍՏՈՍԻ ՀԱՅՏՆՈՒԹՅԱՆ ՏՈՆԸ ԵՎ ՆՐԱ ԾՆՆԴՅԱՆ ԹՎԱԿԱՆԸ**

### **Գայանե Սիմոնյան**

***Բանալի բառեր** - Հայոց շարժական տոմար, Հայոց անշարժ տոմար, Քրիստոսի Ծնունդ և Հայտնություն, բեսքիստոն, 1460-ամյա պարբերաշրջան, տոմարական ժողովածու, Հովհաննես Սարկավագ, հունվարի 6*

Սույն հոդվածը նվիրված է սակավ ուսումնասիրված հարցերից մեկին՝ քրիստոնեական տոների թվականների հետազոտությանը: Հայոց անշարժ տոմարի հիմնադիր Հովհաննես Սարկավագը առանձնակի ուշադրություն է դարձրել հայոց եկեղեցական տոներին: Իր «Մեկնութիւն տումարիս Հայկազնեայ» տոմարական-տոնացուցային ժողովածուի տարբեր մասերում հետաքրքիր գրանցումներ ու մեկնություններ կան քրիստոնեական տոների կատարման ժամանակների վերաբերյալ: Ըստ դրանց՝ տոնական տարին սկսել է հունվարի 6-ին = Քաղոց 29-ին և ավարտվել Աք. Ծննդյան Բարեկենդանով: Ըստ նրա տեղե-

<sup>1</sup> **Անանիա Շիրակացի**, Մատենագրություն, Եր., 1979, էջ 157:

կույթունների՝ Քրիստոս ծնվել է մ. թ. ա. 1 թվականի հունվարի 6-ին, իսկ ներկա 1 թվականին եղել է 1 տարեկան:

## ПРАЗДНИК РОЖДЕСТВА ХРИСТА И ДАТА РОЖДЕНИЯ

*Գայե Սիմոնյան*

**Ключевые слова** - *Армянский подвижный календарь, Армянский неподвижный календарь, Праздник Рождества Христа, Бесекист, 1460-летний цикл, календарный сборник, Ованнес Саркаваг, 6-ого Января*

Эта статья посвящена малоизученного вопроса: исследованию дат христианских праздников.

Основатель неподвижного армянского календаря Ованнес Саркаваг в своей сборнике по имени “Толкование армянского календаря” обратил особое внимание армянским церковным праздникам и их датам. Соответственно этим данным армянский церковный календарь началась 6-ого Января с праздника Рождества Христа и кончилась рожденственским постом. Согласно сведениям Саркавага Христос родился в первом году до нашей эры 6-ого Января и первом году нашей эры был одногодным.

## CHRISTMAS DAY AND THE DATE OF HIS BIRTH

*Gayane Simonyan*

**Kew words:** *Armenian hurdled calendar, Armenian fixed calendar, the Birth of Christ, Besekist, 1460-years cycle, calendar digest, Hovhannes Sarkavag, January 6*

This article is dedicated to one of the poorly studied issues-the study of the dates of Christian Holidays. The founder of Armenian fixed calendar Hovhannes Sarkavag has paid attention to Armenian Church Holidays in his miscellanea. There are interesting recordings and interpretations in the various parts of his “Meknutyun Tumaris Haykaznea” (“The Interpretation of Armenian Calendar”) concerning to the dates of Christian Holidays. According to them Festive Year has begun in January 6=Kaghots 29 and has finished with Christmas Barekendan (the previous Sunday of the forty-day Great Lent). Thus, we are informed that the Christ was born in 1 BC, January 6 and was one year old in 1 AD.